



REPUBLIKA E SHQIPERISE
Ministria e Financave
DREJTORIA E PERGJITHSHME E DOGANAVE

Adresa: Rr. e Durrësit, Laprake - Tirane

Tel 243920, 243921, Fax 256547

Nr. 8757 Prot.

Tirane, me 14/07/2009

U D H E Z I M

Nr. 01, date 14. 07. 2009

Mbi zbatimin e procedurave te miratimit dhe mbikqyrjes se Magazinave te Lira per karburantet ne Portet e Lendeve Djegese

Mbeshetur ne nenet 183 - 196 te Ligjit Nr. 8449, date 27.01.1999 “Kodi Doganor i Republikës së Shqipërisë”, i ndryshuar dhe pikat 442 – 472 te Vendimit Nr.205, date 13.04.1999 te Keshillit te Ministrave “Per Dispozitat Zbatuese te Kodit Doganor”, i ndryshuar;

Me qellim, saktesimin dhe zbatimin korrekt te procedurave doganore qe mundesojne miratimin dhe mbikqyrjen konform dispozitave doganore ne fuqi te aktivitetit te magazinave te lira te karburanteve ne Portet e Lendeve Djegese, ne territorin e Republikës së Shqipërisë;

Bazuar ne piken 472 te Dispozitave Zbatuese te Kodit Doganor, Drejtori i Pergjithshem i Doganave,

U D H E Z O N :

Neni 1
Perkufizime

Per qellime te ketij Udhezimi:

1. “Magazine e Lire” do te quhet ambjenti i vendosur ne territorin doganor dhe i veqar nga pjesa tjeter e tij me rrethim dhe kushte te larta sigurie ne te cilen magazinohen:

- mallra joshqiptare qe, per qellim te zbatimit te detyrimeve te importit dhe/ose masave te politikës tregtare te importit, konsiderohen se nuk kane hyre ne territorin doganor sipas kushteve qe percakton legjislacioni doganor;

- mallra shqiptare te cilat me dispozita te vecanta, perfitojne nga masat e eksportit, per shkak te vendosjes se tyre ne nje magazine te lire.
2. “Operator” do te quhet çdo person qe ushtron aktivitetin ne drejtim te ruajtjes, punimit, perpunimit, shitjes ose blerjes se mallrave ne nje magazine te lire.

Neni 2

Procedurat qe lidhen me miratimin e aktivitetit te Magazines se Lire

1. Ministri i Financave, ne zbatim te nenit 184 te Kodit Doganor, eshte autoriteti qe autorizon krijimin dhe zhvillimin e aktivitetit te Magazinave te Lira.

2. Kerkesa per miratimin e aktivitetit te magazines se lire paraqitet me shkrim nga operatori prane Drejtorit te Pergjithshem te Doganave.

3. Kerkesa shoqerohet nga dokumentacioni i nevojshem mbi bazen e te cilit gjykohet per nevojen ekonomike te perdorimit te magazines se lire dhe zbatimin e kriterëve te percaktuara per mundesite e ruajtjes, sigurise dhe zhvillimin e aktivitetit tregtar ne kushte optimale.

Ky dokumentacion perbehet nga:

- kopje te dokumentacionit ligjor te shoqerise qe kerkon te administroje nje magazine te lire.
- Raport i hollesishem mbi pershkrimin e aktivitetit importues dhe tregtar te shoqerise si dhe atij qe parashikon te kryhet.
- Kopje te dokumentacionit te pronesise se ambjenteve te propozuara per magazine te lire.
- Planimetri e objektit e shoqeruar me raportin qe prezanton kushtet dhe masat per ruajtjen, vezhgimin, sigurine e ambjenteve dhe mallrave qe do te magazinohen, pikat (portat) e hyrjes dhe daljes se mallrave, mundesite per mbyllje me dryn ose plumbosje nga autoritetet doganore. Raporti mund te shoqerohet me materiale fotografike ose filmike.
- Prezantimi i sistemit mates (te aparaturave matese) qe mundeson verifikimin fizik te sasise gjendje ne çdo moment qe do te kerkohet nga autoritetet doganore.
- Lista e mjeteve qe disponon operatori per plotesimin e nevojave te ushtrimit te aktivitetit ne magazine dhe qe lidhen me trajtimet, perpunimet, matjet, transportin, kontrollin, ruajtjen dhe sigurine.
- Dokumentacioni qe verteton shkallen e besueshmerise ndaj organeve fiskale dhe ligjore.

4. Me marrjen e kerkeses dhe dokumentacionit shoqerues, Drejtori i Pergjithshem i Doganave, urdheron ngritjen e nje komisioni me jo me pak se 3 (tre) specialiste te Departamentit Teknik, per shqyrtimin e dokumentacionit dhe verifikimin ne vend te kushteve te prezantuara ne kerkese.

- a) Komisioni i ngritur, pas shqyrtimit te dokumentacionit dhe verifikimit te ambjenteve nderton nje raport mbi shkallen e zbatueshmerise se kerkeseve ligjore te nevojshme per zhvillimin e aktivitetit normal te magazines se lire.
- b) Nese shihet e nevojshme propozon masa te tjera qe mundesojne permiresimin e sistemit te propozuar per ruajtje, vezhgim dhe mbikqyrje doganore.

- c) Ne varesi te rezultatit te verifikimit i sugjeron Drejtorit te Pergjithshem te Doganave vijimin ose jo te procedurave te metejshme qe lidhen me miratimin e Magazines se Lire.
- d) Ne rastet kur komisioni sugjeron vijimin e procedurave te miratimit Drejtoria e Procedurave dhe Vjeljes Doganore dhe Borxhit perpilon Autorizimin perkates sipas aneksit bashkangjitur ketij Udhhezimi.

5. Me tej Drejtori i Pergjithshem i Doganave percjell autorizimin dhe dosjen me te gjitha dokumentacionin e siperpermendur per miratim prane Ministrit te Financave.

Neni 3

Procedura specifike qe lidhen me mbikqyrjen, vzhgimin dhe kontrollin e magazines se lire

1. Pas marrjes se miratimit per zhvillimin e aktivitetit ne magazinën e lire, operatori paraqet prane Drejtorise se Pergjithshme te Doganave, kerkesen me shkrim per miratimin e regjistrave te magazines, ne perputhje me nenin 192 te Kodit Doganor dhe pikave 448 – 450 te Dispozitave Zbatuese te Kodit Doganor.
2. Pas marrjes se miratimit te regjistrave te magazines, operatori nis veprimtarine ne magazinën e lire.
3. Regjistrat e magazines se lire duhet te permbajne te gjitha te dhenat e nevojshme qe mundesojne mbikqyrjen doganore dhe qe percaktohen ne piken 458/3 te Dispozitave Zbatuese te Kodit Doganor.
4. Gjate ushtrimit te aktivitetit, operatori eshte i detyruar te regjistroje dhe dokumentoje te gjitha hyrjet/daljet e mallrave ne magazinën e lire si dhe te paraqese prane autoriteteve doganore te zyres mbikqyrese, per cdo rast, nje kopje te dokumentit te transportit apo te shkarkimit.
5. Autoritetet doganore te zyres mbikqyrese marrin te gjitha masat e nevojshme per zbatimin e procedurave doganore per hyrjen e mallrave, funksionimin e magazines se lire dhe daljen e mallrave nga magazina e lire konform rregullave te percaktuara ne pikat 452 – 472 te Dispozitave Zbatuese te Kodit Doganor.
6. Te gjitha veprimet per hyrjen dhe daljen e mjeteve dhe mallrave ne dhe nga magazina e lire jane objekt i njoftimit dhe lejes perkatese te autoriteteve doganore te zyres mbikqyrese.
7. Keto veprime mund te kryhen vetem gjate orarit te percaktuar nga autoritetet doganore.
8. Autoritetet doganore te zyres mbikqyrese marrin te gjitha masat per mbulimin me personel te sherbimit doganor te nevojshem per vzhgim dhe mbikqyrje te magazines se lire.

9. Dalja e mallrave nga magazina e lire, ne varesi te destinacionit doganor te percaktuar i nenshtrohet veprimeve doganore qe lidhen me depozitim e deklarates, pranimin dhe verifikimin dokumentar e fizik.

10. Procedurat e zgjeruara qe zbatohen sipas kutise 37 te DAV-it permbajne detyrimisht kodin e procedures se meparshme 78 si psh:

4078 – import per konsum pas vendosjes ne magazine te lire

4178 – import per RPA me rimbursim pas vendosjes ne magazine te lire

3178 – rieksporim pas vendosjes ne magazine te lire, etj.

11. Ne menyre periodike mujore (brenda dates 5 te cdo muaji), operatori i magazines se lire dorezon prane autoriteteve doganore te zyres mbikqyrese raport per gjendjen e mallrave ne magazine.

12. Autoritetet doganore te zyres mbikqyrese kryejne sistematikisht dhe ne menyre periodike (cdo 3-mujor) inventare te gjendjes fizike te mallrave duke krahasur me gjendjen sipas regjistrave te magazines.

Neni 4

Hyrja ne fuqi dhe zbatimi

1. Ky udhezim hyn ne fuqi menjehere.

2. Ngarkohet autoritetet perkatese doganore per njohjen dhe zbatimin me korrektesi te dispozitave te ketij Udhezimi.

Endri PEMA

DREJTOR I PERGJITHSHEM